

UNIVERZITET U SARAJEVU - ELEKTROTEHNIČKI FAKULTET

Broj: 01-5438-4/23
Sarajevo, 04.12.2023. godine

Z A P I S N I K

sa 7. redovne sjednice Vijeća Univerziteta u Sarajevu - Elektrotehničkog fakulteta
održane 04.12.2023. godine s početkom u 14:00 sati
u sali S-1 Univerziteta u Sarajevu - Elektrotehničkog fakulteta.

Od 63 člana Vijeća Univerziteta u Sarajevu - Elektrotehničkog fakulteta, sjednici je prisustvovalo 44 člana.

Prisutni članovi Vijeća Univerziteta u Sarajevu - Elektrotehničkog fakulteta:

Dekan, prof. dr. Jasmin Velagić; prodekan za opšte i finansijske poslove prof.dr. Senad Huseinbegović, prodekan za međunarodnu saradnju doc.dr. Darijo Raca, prodekan za naučnoistraživački rad prof. dr. Tarik Uzunović, prof.dr. Abdulah Akšamović, prof. dr. Adnan Mujezinović, prof.dr. Alen Begović, prof.dr. Almir Karabegović, doc.dr. Amer Smajkić, prof.dr. Amila Akagić, prof. dr. Anel Tanović, prof. dr. Bakir Lačević, prof. dr. Dijana Dujak, prof. dr. Dženana Đonko; prof. dr. Emir Buza, prof. dr. Emir Sokić; prof. dr. Emir Turajlić, doc. dr. Enio Kaljić; prof. dr. Hamid Zildžo; prof. dr. Haris Šupić, prof.dr. Izudin Džafić, viši asistent Nedis Dautbašić, asistentica Ehlimana Krupalija, viši asistent Adnan Osmanović, doc.dr. Mirsad Čosović, prof.dr. Mirza Batalović, doc.dr. Mirza Hamza, prof.dr. Mustafa Musić, prof. dr. Novica Nosović; prof. dr. Pamela Njemčević, prof. dr. Razija Turčinhodžić Mulahasanović, prof. dr. Samim Konjicija, prof.dr. Samir Ribić, prof. dr. Samir Omanović, prof. dr. Saša Mrdović, prof. dr. Selma Hanjalić, prof. dr. Senad Smaka, doc. dr. Senka Krivić, doc. dr. Vedad Bečirović, prof. dr. Vensada Okanović, viši asistent Vedran Karahodžić, prof.dr. Zijad Bajramović; prof.dr. Naida Mujić, i Nejra Alfirević Fočo.

Odsutni članovi Vijeća Univerziteta u Sarajevu - Elektrotehničkog fakulteta: prodeknesa za nastavu i osiguranje kvaliteta doc.dr. Amra Delić Halilović, viši asistent Lejla Ahmethodžić (opravdano odsutna), prof. dr. Adnan Tahirović, prof. dr. Almir Salihbegović, Ahmed Trkić, prof.dr. Ingmar Bešić; prof. dr. Irfan Turković (opravdano odsutan), prof.dr. Jasmina Baraković Husić; prof.dr. Kemal Hajdarević, prof. dr. Miralem Mehić; Azra Mehić, doc. dr. Nedim Osmić, prof. dr. Samir Avdaković, prof. dr. Selma Grebović (opravdano odsutna), prof. dr. Selma Rizvić, prof. dr. Željko Jurić (opravdano odsutan), doc.dr. Kenan Šehić, Asim Džindo – student prodekan.

Ostali prisutni:

Aida Sarajlić Ovčina, sekretar Fakulteta (u svojstvu zapisničara).


Sjednica je počela u 14:05 sati.

Konstatovano je da sjednici, prilikom otvaranja prisustvuje 44 člana Vijeća Univerziteta u Sarajevu - Elektrotehničkog fakulteta sa pravom glasa, odnosno da postoji kvorum za punopravno odlučivanje. Sjednicom predsjedava dekan, prof. dr. Jasmin Velagić. Imenovani je otvorio sjednicu i pozdravio prisutne. Stavio je na glasanje predloženi Dnevni red, koji je usvojen jednoglasno i glasi:

DNEVNI RED

1. Zapisnik;


1.1. Usvajanje Zapisnika sa 10. elektronske sjednice od 27.11.2023. godine;
(Izvjestilac: dekan, prof. dr. Jasmin Velagić)**Izbori;**



- 2.1. Usvajanje Izvještaja Komisije za izbor u naučnonastavno zvanje vanredni profesor i Prijedloga Odluke o izboru u zvanje vanredni profesor na naučnu oblast "Telekomunikacije" za dr. Almira Marića, dipl.ing.el:
(Izvjestilac: prof.dr. Pamela Njemčević, predsjednica Komisije);
- 2.2. Usvajanje Izvještaja Komisije za izbor u naučnonastavno zvanje vanredni profesor i Prijedloga Odluke o izboru u zvanje vanredni profesor na naučnu oblast "Telekomunikacije" za dr. Mirzu Hamza, dipl.ing.el:
(Izvjestilac: prof.dr. Pamela Njemčević, predsjednica Komisije);
- 2.3. Usvajanje Izvještaja Komisije za izbor u saradničko zvanje viši asistent i Prijedloga Odluke o izboru u zvanje više asistentice na naučnu oblast "Automatika i elektronika" za Aminu Tihak, MOE, dipl.ing.el:
(Izvjestilac: prof.dr. Dušanka Bošković, predsjednica Komisije);
- 2.4. Usvajanje Odluke o imenovanju Komisije za pripremanje prijedloga za izbor akademskog osoblja u naučnonastavno zvanje vanredni profesor na naučnu oblast "Elektroenergetika" u sastavu: prof. dr. Mirza Batalović, predsjednik, prof.dr. Adnan Mujezinović, član, i prof.dr. Senad Smaka, član;
(Izvjestilac: prof. dr. Mirza Batalović, šef Odsjeka za elektroenergetiku)
- 2.5. Usvajanje Odluke o imenovanju Komisije za pripremanje prijedloga za izbor akademskog osoblja u saradničko zvanje viši asistent na naučnu oblast "Računarstvo i informatika" u sastavu: prof. dr. Novica Nosović, predsjednik, prof.dr. Željko Jurić, član i prof.dr. Amila Akagić, članica;
(Izvjestilac: prof. dr. Samir Omanović, šef Odsjeka za računarstvo i informatiku)

3. Organizaciona pitanja

- 3.1. Usvajanje Odluke o usvajanju Konačnih rang listi kandidata primljenih na treći ciklus studija na drugom prijavnom roku;
(Izvjestilac: predsjedavajući Vijeća doktorskog studija, prof.dr. Tarik Uzunović)
- 3.2. Usvajanje Odluke o stručnom zvanju koje se stiče završetkom stručnog studija Razvoj softvera na Univerzitet u Sarajevu - Elektrotehničkom fakultetu;
(Izvjestilac: dekan, prof.dr. Jasmin Velagić)
- 3.3. Usvajanje Odluke o kriterijima za angažman studenta-demonstratora na Univerzitet u Sarajevu – Elektrotehničkom fakultetu;
(Izvjestilac: dekan, prof.dr. Jasmin Velagić)
- 3.4. Usvajanje Odluke o načinu provođenja dodatnih ispitnih termina za absolvente na Univerzitet u Sarajevu – Elektrotehničkom fakultetu;
(Izvjestilac: dekan, prof.dr. Jasmin Velagić)
- 3.5. Usvajanje Odluke o uslovima prelaska i nastavka studija sa drugih visokoškolskih ustanova u BiH i inostranstvu na Univerzitet u Sarajevu – Elektrotehnički fakultet;
(Izvjestilac: dekan, prof.dr. Jasmin Velagić)
- 3.6. Usvajanje Odluke o uslovima prelaska i nastavka studija sa drugih organizacionih jedinica Univerziteta u Sarajevu na Univerzitet u Sarajevu – Elektrotehnički fakultet;
(Izvjestilac: dekan, prof.dr. Jasmin Velagić)
- 3.7. Usvajanje Okvirnog nastavnog kalendara na trećem ciklusu studija za studijsku 2023/2024. godinu;
(Izvjestilac: prof. dr. Tarik Uzunović, predsjednik Vijeća doktorskog studija)



3.8. Usvajanje Odluke o imenovanju recenzenata za rukopis pod naslovom „Planiranje elektroenergetskih sistema – fotonaponske elektrane" autora dr. Samira Avdakovića, Maje Muftić Dedović i dr. Adnana Mujezinovića.

(Izvjestilac: prof. dr. Mirza Batalović, šef Odsjeka za elektroenergetiku)

3.9. Usvajanje Pravilnika o zaštiti od požara na Univerzitetu Sarajevu – Elektrotehničkom fakultetu;
(Izvjestilac: dekan, prof.dr. Jasmin Velagić)

4. Nastavna pitanja;

4.1. Usvajanje Odluke o davanju saglasnosti za angažman nastavnika i saradnika na drugoj organizacionoj jedinici Univerziteta u Sarajevu za:

4.1.1 Prof.dr. Selmu Grebović

4.1.2. V.asst. Nermina Oprašića

(Izvjestilac: dekan, prof.dr. Jasmin Velagić);

5. Drugi ciklus studija;

5.1. Usvajanje Odluka o izmjenama teme završnog rada i Komisija za ocjenu i odbranu završnog rada II ciklusa studija za:

5.1.1. Tarika Avdića, studena drugog ciklusa studija Odsjeka za elektroenergetiku;

(Izvjestilac: prof. dr. Mirza Batalović, šef Odsjeka za elektroenergetiku)

5.1.2. Opačin Selmu, studenticu drugog ciklusa studija Odsjeka za automatiku i elektroniku;

(Izvjestilac: doc. dr. Nedim Osmić, šef Odsjeka za automatiku i elektroniku)

6. Treći ciklus studija;

6.1. Usvajanje Odluke o prihvatanju Izvještaja Komisije za ocjenu i odbranu projekta, radne verzije i doktorske disertacije, o podobnosti teme doktorske disertacije pod naslovom "Upravljanje mrežama za kvantnu distribuciju kriptografskih ključeva", studenta Emira Derviševića, magistar elektrotehnike – diplomirani inženjer elektrotehnike;

(Izvjestilac: prof. dr. Tarik Uzunović, predsjednik Vijeća dokorskog studija)

7. Tekuća pitanja;


a. Izmjena članova Vijeća Univerzitet u Sarajevu – Elektrotehničkog fakulteta iz reda studenata u studijskoj 2023/2024. godini;

(Izvjestilac: dekan, prof.dr. Jasmin Velagić);

b. Bachelor studijski progam Data science and Artificial Intelligence na Univerzitet u Sarajevu – Elektrotehničkom fakultetu;

(Izvjestioci: dekan, prof.dr. Jasmin Velagić i voditeljica studijskog programa prof.dr. Amila Akagić)

Tok sjednice:



Ad 1. Zapisnik;

Zapisnik sa 10. elektronske sjednice od 27.11.2023. godine usvojen je jednoglasno.

Ad 2. Izbori;

Pod tačkom 2.1. razmatrano je usvajanje Izvještaja Komisije za izbor u naučnonastavno zvanje vanredni profesor i Prijedloga Odluke o izboru u zvanje vanredni profesor na naučnu oblast "Telekomunikacije" za dr. Almira Marića, dipl.ing.el i Vijeće jednoglasno donosi:

PRIJEDLOG ODLUKE

o izboru akademskog osoblja na naučnu oblast Telekomunikacije

I - Utvrđuje se prijedlog Odluke o izboru u zvanje vanredni profesor, dr. Almira Marića, dipl. ing. el na naučnu oblast Telekomunikacije na Univerzitet u Sarajevu – Elektrotehničkom fakultetu.

II - Prijedlog Odluke dostavit će se Senatu Univerziteta u Sarajevu na odlučivanje.

III – Sastavni dio ove Odluke predstavlja Izvještaj Komisije sa prijedlogom za izbor.

Pod tačkom 2.2. razmatrano je usvajanje Izvještaja Komisije za izbor u naučnonastavno zvanje vanredni profesor i Prijedloga Odluke o izboru u zvanje vanredni profesor na naučnu oblast "Telekomunikacije" za dr. Mirzu Hamza, dipl.ing.eli Vijeće jednoglasno donosi

PRIJEDLOG ODLUKE

o izboru akademskog osoblja na naučnu oblast Telekomunikacije

I - Utvrđuje se prijedlog Odluke o izboru u zvanje vanredni profesor, dr. Mirze Hamza, dipl. ing. el na naučnu oblast Telekomunikacije na Univerzitet u Sarajevu – Elektrotehničkom fakultetu.

II - Prijedlog Odluke dostavit će se Senatu Univerziteta u Sarajevu na odlučivanje.

III – Sastavni dio ove Odluke predstavlja Izvještaj Komisije sa prijedlogom za izbor.

Pod tačkom 2.3. razmatrano je usvajanje Izvještaja Komisije za izbor u saradničko zvanje viši asistent i Prijedloga Odluke o izboru u zvanje više asistentice na naučnu oblast "Automatika i elektronika" za Aminu Tihak, MOE, dipl.ing.el i Vijeće jednoglasno donosi

PRIJEDLOG ODLUKE


o izboru akademskog osoblja na naučnu oblast Automatika i elektronika

I - Utvrđuje se prijedlog Odluke o izboru u zvanje više asistentice, Amine Tihak, MA, dipl.ing.el., na naučnu oblast Automatika i elektronika na Univerzitet u Sarajevu – Elektrotehničkom fakultetu.

II - Prijedlog Odluke dostavit će se Senatu Univerziteta u Sarajevu na odlučivanje.

III – Sastavni dio ove Odluke predstavlja Izvještaj Komisije sa prijedlogom za izbor.

Pod tačkom 2.4. razmatrano je usvajanje Odluke o imenovanju Komisije za pripremanje prijedloga za izbor akademskog osoblja u naučnonastavno zvanje vanredni profesor na naučnu oblast



"Elektroenergetika" u sastavu: prof. dr. Mirza Batalović, predsjednik, prof.dr. Adnan Mujezinović, član, i prof.dr. Senad Smaka, član i Vijeće je jednoglasno donijelo

ODLUKU

O imenovanju Komisije za pripremanje prijedloga za izbor nastavnika

I - U Komisiju za pripremanje prijedloga za izbor nastavnika u zvanje vanredni profesor – jedan izvršilac na naučnu oblast "Elektroenergetika" na Univerzitet u Sarajevu – Elektrotehničkom fakultetu (u nastavku Komisija), imenuju se sljedeći članovi:

1. prof. dr. Mirza Batalović, predsjednik,
2. prof. dr. Adnan Mujezinović, član,
3. prof. dr. Senad Smaka, član.

II - Komisija će preuzeti kompletnu konkursnu dokumentaciju, a koju će joj uz Potvrdu o blagovremenosti pristiglih prijava na konkurs, dostaviti predstavnik stručne službe i Potvrda čini sastavni dio Izvještaja.

III - Komisija je obavezna na konstituirajućoj sjednici usvojiti Poslovnik o radu, te skupa sa predstavnikom stručne službe pregledati dostavljenu dokumentaciju, o čemu će se izdati Potvrda o urednosti prijava na konkurs, koja čini sastavni dio Izvještaja. Komisija će Izvještaj sa prijedlogom za izbor u zvanje dostaviti Vijeću putem protokola Fakulteta u skladu sa Zakonom, Statutom, tekstom raspisanog konkursa, i ovom Odlukom i to u roku od 30 dana od dana imenovanja.

IV - Komisija je obavezna ispuniti sve svoje obaveze prema ovoj Odluci, Zakonom o visokom obrazovanju i Statutom Univerziteta u Sarajevu.

V - Odluka stupa na snagu danom donošenja.

Pod tačkom 2.5. razmatrano je usvajanje Odluke o imenovanju Komisije za pripremanje prijedloga za izbor akademskog osoblja u saradničko zvanje viši asistent na naučnu oblast "Računarstvo i informatika" u sastavu: prof. dr. Novica Nosović, predsjednik, prof.dr. Željko Jurić, član i prof.dr. Amila Akagić, članica i Vijeće je jednoglasno donijelo

ODLUKU

O imenovanju Komisije za pripremanje prijedloga za izbor saradnika

I - U Komisiju za pripremanje prijedloga za izbor saradnika u zvanje viši asistent – jedan izvršilac na naučnu oblast "Računarstvo i informatika" na Univerzitet u Sarajevu – Elektrotehničkom fakultetu (u nastavku Komisija), imenuju se sljedeći članovi:


1. prof. dr. Novica Nosović, predsjednik,
2. prof. dr. Željko Jurić, član,
3. prof. dr. Amila Akagić, članica.

II - Komisija će preuzeti kompletnu konkursnu dokumentaciju, a koju će joj uz Potvrdu o blagovremenosti pristiglih prijava na konkurs, dostaviti predstavnik stručne službe i Potvrda čini sastavni dio Izvještaja.

III - Komisija je obavezna na konstituirajućoj sjednici usvojiti Poslovnik o radu, te skupa sa predstavnikom stručne službe pregledati dostavljenu dokumentaciju, o čemu će se izdati Potvrda o urednosti prijava na konkurs, koja čini sastavni dio Izvještaja. Komisija će Izvještaj sa prijedlogom za izbor u zvanje dostaviti Vijeću putem protokola Fakulteta u skladu sa Zakonom, Statutom, tekstom raspisanog konkursa, i ovom Odlukom i to u roku od 30 dana od dana imenovanja.

IV - Komisija je obavezna ispuniti sve svoje obaveze prema ovoj Odluci, Zakonom o visokom obrazovanju i Statutom Univerziteta u Sarajevu.

V - Odluka stupa na snagu danom donošenja.



Nakon ove tačke, sjednici je pristupio doc.dr. Almir Marić. Vijeće sada broji 45 članova.

Ad 3 . Organizaciona pitanja

Pod tačkom 3.1. razmatrano je usvajanje Odluke o usvajanju Konačnih rang listi kandidata primljenih na treći ciklus studija na drugom prijavnom roku i Vijeće je jednoglasno donijelo

ODLUKU

o usvajanju Konačne rang- liste kandidata primljenih na treći ciklus studija na drugom prijavnom roku

I - Usvaja se Konačna rang lista kandidata primljenih na drugom prijavnom roku na treći ciklus studija na Univerzitet u Sarajevu – Elektrotehničkom fakultetu.

II - Sastavni dio ove Odluke predstavlja Konačna rang - lista kandidata primljenih na treći ciklus studija na drugom prijavnom roku.

III - Odluku i Konačnu rang listu kandidata dostaviti Senatu Univerziteta na daljnje postupanje.

Pod tačkom 3.2. razmatrano je usvajanje Odluke o stručnom zvanju koje se stiče završetkom stručnog studija Razvoj softvera na Univerzitet u Sarajevu - Elektrotehničkom fakultetu.

Dekan je Vijeće izvijestio da predstoji donošenje seta odluka koje su u nadležnosti Vijeća Fakulteta. Nakon što je stavio prijedlog odluke na usvajanje, Vijeće jednoglasno donosi:


ODLUKU

O stručnom zvanju koje se stiče završetkom stručnog studija Razvoj softvera na Univerzitet u Sarajevu - Elektrotehničkom fakultetu

I - Završetkom stručnog studija "Razvoj softvera" na Univerzitet u Sarajevu – Elektrotehničkom fakultetu stiče se stručno zvanje: Stručni saradnik za Razvoj softvera, odnosno *associate degree on Software development (eng.)*

II – Odluka stupa na snagu danom donošenja.

Pod tačkom 3.3. razmatrano je usvajanje Odluke o kriterijima za angažman studenta-demonstratora na Univerzitet u Sarajevu – Elektrotehničkom fakultetu. Za riječ se javio doc.dr. Mirza Hamza koji je pitao da li moraju biti ispunjeni svi uslovi iz odluke za angažman demonstratora. Objašnjeno je da su uslovi postavljeni alternativno te da se angažman demonstratora može pokrenuti ukoliko je ispunjen jedan od navedenih uvjeta. Prof.dr. Emir Sokić upitao je odredbi odluke kojom se regulište plaćanje, odnosno naknada demonstratora, na šta je dekan odgovorio da je dio u vezi plaćanja uređen Metodologijom koju je donio Upravni odbor Univerziteta u Sarajevu, te da Fakultet mora poštivati odredbe te metodologije. Prof.dr. Vensada Okanović kazala je kako smatra je procedura za angažman studenta-demonstratora poprilično dugotrajna, kao i da se članom 4. Odluke demonstratoru daju prevelika ovlaštenja u učešću u realizaciji vježbi, na šta je odgovoreno da stav (2) člana 4. Odluke propisuje da student-demonstrator postupi po uputama predmetnog nastavnika te da se demonstratoru ne može dozvoliti više ovlaštenja nego što ih da predmetni nastavnik. Doc.dr. Nedim Osmić upitao je za koliko se mjeseci isplaćuje naknada u slučaju da demonstrator radi određeni broj dana u jednom mjesecu, a različit broj dana u drugom mjesecu, na šta je dekan odgovorio da se naknada plaća mjesečno, odnosno za svaki mjesec rada. Doc.dr. Mirza Hamza upitao je o dodatnim kriterijima za angažman, odnosno da li ocjene ili



prosjeck igraju ulogu u odabiru studenta-demonstratora na šta je odgovoreno da su takvi uslovi uklonjeni iz prijedloga odluke da se ne bi pojedini demonstratori koji su već u nastavi ostavili bez angažmana i na taj način doveli održavanje vježbi u pitanje. Nakon što je okončana diskusija, dekan je na glasanje stavio prijedlog Odluke. Odluka je donesena sa 44 glasa "Za" i jednim glasom "Suzdržan" od glasanja i glasi:

ODLUKU

o kriterijima za angažman studenta – demonstratora na Univerzitet u Sarajevu - Elektrotehničkom fakultetu

Član 1.

(Pojam)

Ovom Odlukom utvrđuju se kriteriji za angažman studenta demonstratora u nastavnom procesu na Univerzitet u Sarajevu – Elektrotehničkom fakultetu (dalje: Fakultet).

Član 2.

(Uvjeti za angažman)

(1) Demonstrator se angažuje na Fakultetu u sljedećim slučajevima:

- a) na predmetu ne postoji saradnik – asistent ili viši asistent;
- b) saradnik uposlen na odsjeku ima više norma sati u određenom semestru/studijskoj godini nego što je predviđeno Standardima i normativima za obavljanje djelatnosti visokog obrazovanja na području Kantona Sarajevo, odnosno Kolektivnim ugovorom za djelatnost visokog obrazovanja i nauka na Univerzitetu u Sarajevu;
- c) u semestru/studijskoj godini u kojoj se planira odsustvo saradnika na odsjeku zbog studijskog boravka, učešća u programima mobilnosti akademskog osoblja, stručnog usavršavanja, izrade doktorske disertacije, porodijskog odsustva i dr, kao i u semestru/studijskoj godini prije planiranog odsustva saradnika radi uvođenja u poslove demonstratora, ako postoji takva potreba.

(2) Angažman demonstratora ugovorom se vezuje za pojedine nastavne predmete.

Član 3.

(Kriteriji za demonstratora)

- (1) Za demonstratora može biti angažovan redovni student.
- (2) Kao student-demonstrator mogu se angažovati studenti prvog, drugog i integriranog studija.

Član 4.


(Postupak angažovanja)

- (1) Na inicijativu predmetnog nastavnika, odsjek dostavlja dekanu i prodekanu za nastavu i osiguranje kvaliteta prijedlog o angažmanu demonstratora koji obavezno mora biti praćen:
 - a) potvrdom o redovnom statusu studenta;
 - b) obrazloženjem, odnosno razlogom za angažman demonstratora iz člana 2. ove Odluke.
- (2) Prodekan za nastavu i osiguranje kvaliteta utvrđuje opravdanost angažmana demonstratora.
- (3) U ugovor u angažmanu unosi se naziv predmeta, broj sati vježbi na pojedinačnom predmetu, kao i ukupan broj sati koje student-demonstrator izvodi u realizaciji nastavnog procesa.

Član 5.

(Poslovi demonstratora)

- (1) Demonstrator pomaže predmetnom nastavniku u:
 - a) organizaciji i realizaciji vježbi;
 - b) tehničkoj organizaciji i realizaciji ispita;
 - c) administraciji predmeta (npr. vođenje različitih evidencija i sl.);
- (2) Student-demonstrator postupa po uputama predmetnog nastavnika.



Član 6.

(Obaveze i prava)

- (1) Obaveze i prava demonstratora regulišu se ugovorom između Fakulteta i demonstratora.
- (2) Demonstrator ima obavezu da izvršava poslove iz člana 5. ove Odluke, odnosno zaključenog ugovora o angažmanu.
- (3) Za svoj angažman demonstrator ima pravo na mjesečnu naknadu koja iznosi 50% visine osnovice za obračun plaće u skladu sa Kolektivnim ugovorom za djelatnost visokog obrazovanja i nauke na Univerzitetu u Sarajevu.
- (4) Isplata nakande za studenta-demonstratora vrši se putem studentskog servisa ili ugovora o privremenim i povremenim poslovima.

Član 7.

(Stupanje na snagu)

Odluka stupa na snagu danom donošenja.

Pod tačkom 3.4. razmatrano je usvajanje Odluke o načinu provođenja dodatnih ispitnih termina za apsolvente na Univerzitet u Sarajevu – Elektrotehničkom fakultetu. Za riječ se javio prof.dr. Emir Sokić koji je izrazio neslaganje sa prijedlogom teksta odluke, odnosno dodatnim terminima za apsolvente ponovce. Kazao je da se na ovakav način nagrađuju studenti koji ne ispunjavaju svoje obaveze redovno, i koji čekaju kraj akademske godine da bi imali pravo izlaziti na ispite u svim terminima. Dekan je na to odgovorio da je obaveza određivanja ispitnih termina utvrđena pravilima studiranja, te da su na ovaj način svedeni na minimum. Nakon diskusije, dekan je na glasavio stavio prijedlog odluke, i Vijeće sa 44 glasa "Za" i jednim glasom "Suzdržan" od glasanja donosi odluku koja glasi:


ODLUKU

o načinu organizacije i provođenja dodatnih ispitnih rokova za apsolvente na Univerzitet u Sarajevu - Elektrotehničkom fakultetu

I – Ovom Odlukom utvrđuje se način organizacije i provođenja dodatnih ispitnih rokova za apsolvente na Univerzitet u Sarajevu - Elektrotehničkom fakultetu na sljedeći način:

- a) Student koji je u posljednjoj studijskoj godini odslušao sve predmete stiče status studenta apsolventa i ima pravo polagati nepoložene ispite u svim ispitnim rokovima u toku tekuće akademske godine, odnosno u januarsko-februarskom, junsko-julskom i septembarskom roku.
- b) Ukoliko student apsolvent u propisanom vremenskom periodu ne položi sve ispite, dužan je obnoviti završnu studijsku godinu u statusu apsolventa ponovca. Apsolventi ponovci imaju pravo na konsultacije, izlazak na sve ispitne termine kao i na termine utvrđene izvan ispitnih termina.
- c) Dodatni ispitni termini za apsolvente ponovce organizuju se u mjesecu aprilu (za predmete iz zimskog semestra), i julu (za predmete iz ljetnog semestra) na način da se dodatni ispitni termin realizuje u dogovoru sa predmetnim nastavnikom, Prodekanom za nastavu i osiguranje kvaliteta i Službom za nastavu.
- d) Ukoliko je apsolvent/apsolvent ponovac položio sve ispite, izuzev završnog rada, ima pravo braniti završni rad u toku tekuće akademske godine, bez obzira na ispitne rokove utvrđene akademskim kalendarom, uz prethodni dogovor sa mentorom i komisijom.

II – Odluka stupa na snagu danom donošenja, a za njenu realizaciju zadužju se Služba za nastavu i Prodekan za nastavu i osiguranje kvaliteta.



Pod tačkom 3.5. razmatrano je usvajanje Odluke o uslovima prelaska i nastavka studija sa drugih visokoškolskih ustanova u BiH i inostranstvu na Univerzitet u Sarajevu – Elektrotehnički fakultet i Vijeće jednoglasno donosi

ODLUKU

o uslovima prelaska i nastavku studija na Univerzitetu u Sarajevu - Elektrotehničkom fakultetu sa drugih visokoškolskih ustanova u Bosni i Hercegovini i inostranstvu

I – Ovom Odlukom utvrđuju se uslovi prelaska i nastavak studija na Univerzitetu u Sarajevu-Elektrotehničkom fakultetu sa drugih visokoškolskih ustanova u Bosni i Hercegovini i inostranstvu.

II – Student drugog akreditovanog univerziteta/visokoškolske ustanove u Bosni i Hercegovini ili inostranstvu može preći i nastaviti studiji na Univerzitetu u Sarajevu – Elektrotehničkom fakultetu najkasnije prije završetka druge godine studija istog/srodnog studijskog programa.

III – Zahtjev za prelazak i upis student podnosi najkasnije do 15. septembra tekuće kalendarske godine za upis u narednu akademsku godinu.

IV – Uz zahtjev iz prethodnog člana student prilaže sljedeću dokumentaciju: uvjerenje o prepisu ocjena, nastavni plan i program, potvrdu o akreditaciji studijskog programa na koji je student upisan, te potvrdu o upisu u tekućoj akademskoj godini.

V – Da bi se studentu odobrio prelazak i upis na Univerzitet u Sarajevu – Elektrotehnički fakultet, potrebno je u postupku ekvivalencije položenih ispita priznati u cjelosti najmanje jedan položen ispit.

VI – Po okončanju postupka ekvivalencije, dekan Fakulteta donosi rješenje kojim se odobrava prelazak studenta i upis u odgovarajući semestar.

VII – Studentu kojem je odobren zahtjev za prelazak upisuje se u statusu samofinansirajućeg studenta.

Pod tačkom 3.6. razmatrano je usvajanje Odluke o uslovima prelaska i nastavka studija sa drugih organizacionih jedinica Univerziteta u Sarajevu na Univerzitet u Sarajevu – Elektrotehnički fakultet. Prof.dr. Vensada upitala je zašto se postavlja uslov od jedne godine studija provedene na drugoj organizacionoj jedinici Univerziteta na šta je objašnjeno da se prilikom upisa na Elektrotehnički fakultet polaže prijemni ispit, a na drugim fakultetima toga nema i da je potrebno postaviti takav uslov da se studenti ne bi upisivali na druge fakultete pa odmah prebacivali na Elektrotehnički fakultet. Također je upitala zašto se traži da se u postupku ekvivalencije ispita priznae makar jedan polozeni ispit, na šta je rečeno da je takav uslov potreban da bi se ispunio uslov srodnosti fakulteta sa kojeg se prelazi na Elektrotehnički fakultet. Nakon toga, dekan je na glasanje stavio prijedlog odluke, i Vijeće jednoglasno donosi:


ODLUKU

o uslovima prelaska i nastavku studija na Univerzitetu u Sarajevu - Elektrotehničkom fakultetu sa drugih organizacionih jedinica Univerziteta u Sarajevu

I – Ovom Odlukom utvrđuju se uslovi prelaska i nastavak studija na Univerzitetu u Sarajevu-Elektrotehničkom fakultetu sa drugih organizacionih jedinica Univerziteta u Sarajevu.

II – Student upisan na Univerzitet u Sarajevu može podnijeti zahtjev za prelazak sa studijskog programa druge članice Univerziteta u Sarajevu na studijski program Univerziteta u Sarajevu - Elektrotehničkog fakulteta pod uslovom da je proveo najmanje jednu akademsku godinu na drugoj članici/organizacionoj jedinici Univerziteta u Sarajevu.

III – Zahtjev za prelazak podnosi se najkasnije do 15. septembra tekuće godine, za narednu akademsku godinu.



IV – Uz zahtjev za prelazak, student prilaže sljedeću dokumentaciju: uvjerenje o prepisu ocjena, nastavni plan i program i potvrdu o upisu u tekuću akademsku godinu na drugoj organizacionoj jedinici Univerziteta u Sarajevu.

V – Da bi se studentu odobrio prelazak sa druge organizacione jedinice Univerziteta u Sarajevu i upis na Elektrotehnički fakultet, potrebno je, da se u postupku ekvivalencije ispita, prizna u cijelosti najmanje jedan položen ispit.

VI - Po okončanju postupka ekvivalencije, dekan Fakulteta donosi rješenje kojim se odobrava prelazak studenta i upis u odgovarajući semestar.

VII – Studentu kojem je odobren zahtjev za prelazak upisuje se u statusu samofinansirajućeg studenta.

Pod tačkom 3.7. razmatrano je usvajanje Okvirnog nastavnog kalendara na trećem ciklusu studija za studijsku 2023/2024. godinu i Vijeće jednoglasno donosi;

ODLUKU

I

Utvrđuje se Okvirni nastavni kalendar za treći ciklus studija – doktorski studij za studijsku 2023/2024. godinu.

II

Okvirni nastavni kalendar iz tačke I ove odluke prilaže su uz ovu odluku i čini njen sastavni dio.

III

Odluka stupa na snagu danom donošenja.

Pod tačkom 3.8. razmatrano je usvajanje Odluke o imenovanju recenzenata za rukopis pod naslovom „Planiranje elektroenergetskih sistema – fotonaponske elektrane" autora dr. Samira Avdakovića, Maje Muftić Dedović i dr. Adnana Mujezinovića i Vijeće jednoglasno donosi:

ODLUKU

I

Za recenziju rukopisa pod naslovom "Planiranje elektroenergetskih sistema – fotonaponske elektrane" autora dr. Samira Avdakovića, Maje Muftić Dedović i dr. Adnana Mujezinovića za recenzente se imenuju:


1. Dr. sc. Irfan Turković, redovni profesor Univerziteta u Sarajevu, Elektrotehnički fakultet, doktor tehničkih nauka, područje: "Tehničke nauke", polje: "Elektrotehnika", grana/naučna oblast: "Elektroenergetika",

2. Dr. sc. Maja Arslanagić-Kalajdžić, vanredni profesor Univerziteta u Sarajevu, Ekonomski fakultet, doktor ekonomskih nauka, područje: "Društvene nauke", polje: "Marketing", grana/naučna oblast: "Ekonomija",

3. Dr. sc. Mirza Sarić, docent Fakulteta za inženjering i prirodne nauke, Internacionalni BURCH Univerzitet, doktor tehničkih nauka, područje "Tehničke nauke", polje "Elektrotehnika", grana/naučna oblast: "Elektroenergetika".

II

Ova odluka stupa na snagu danom donošenja.



Pod tačkom 3.9. razmatrano je usvajanje Pravilnika o zaštiti od požara na Univerzitetu Sarajevu – Elektrotehničkom fakultetu. Dekan je objasnio da je ovaj Pravilnik potrebno usvojiti te da će po pitanju zaštite o požara biti održana i obuka, te da postoje još neke mjere koje se trebaju poduzeti. Vijeće jednoglasno usvaja Pravilnik i donosi

ODLUKU

O usvajanju Pravilnika o zaštiti od požara na Univerzitet u Sarajevu – Elektrotehničkom fakultetu

I - Usvaja se Pravilnik o zaštiti od požara na Univerzitet u Sarajevu – Elektrotehničkom fakultetu.

II - Sastavni dio ove Odluke predstavlja Pravilnik o zaštiti od požara na Univerzitet u Sarajevu – Elektrotehničkom fakultetu.

III – Odluka stupa na snagu danom donošenja.

Ad 4. Nastavna pitanja;

Pod tačkom 4.1. razmatrano je usvajanje Odluke o davanju saglasnosti za angažman nastavnika i saradnika na drugoj organizacionoj jedinici Univerziteta u Sarajevu za:

4.1.1. Prof.dr. Selmu Grebović; i Vijeće jednoglasno donosi

ODLUKU

o raspoređivanju i nastavnom zaduženju člana akademskog osoblja

I - Raspoređuje se dr. Selma Grebović, vanredna profesorica, izabrana na naučnu oblast Elektroenergetika, zaposlena na Univerzitet u Sarajevu – Elektrotehničkom fakultetu za angažman na Univerzitetu u Sarajevu – Mašinskom fakultetu, radi izvođenja nastave iz nastavnog predmeta za akademsku/studijsku 2023/2024. godinu kako slijedi:

- Elektrotehnika, u ljetnom semestru, sa opterećenjem 4 sata predavanja sedmično.

II- Odluka stupa na snagu danom donošenja.

4.1.3. Vasst. Nermina Oprašića, i Vijeće jednoglasno donosi

ODLUKU

o raspoređivanju i nastavnom zaduženju člana akademskog osoblja

I - Raspoređuje se Nermin Oprašić, viši asistent, izabran na naučnu oblast Elektroenergetika, zaposlen na Univerzitet u Sarajevu – Elektrotehničkom fakultetu za angažman na Univerzitetu u Sarajevu – Mašinskom fakultetu, radi izvođenja nastave iz nastavnog predmeta za akademsku/studijsku 2023/2024. godinu kako slijedi:


- Elektrotehnika, u ljetnom semestru, sa opterećenjem 4 sata vježbi sedmično.

II- Odluka stupa na snagu danom donošenja.

Ad 5. Drugi ciklus studija;

Pod tačkom 5.1. razmatrano je usvajanje Odluka o izmjenama teme završnog rada i Komisija za ocjenu i odbranu završnog rada II ciklusa studija za:

5.1.2. Tarika Avdića, studena drugog ciklusa studija Odsjeka za elektroenergetiku, i Vijeće jednoglasno donosi



ODLUKU

o izmjeni teme završnog rada drugog ciklusa studija i sastava Komisije za ocjenu i odbranu završnog rada drugog ciklusa studija

I – Odluka Vijeća Fakulteta broj: 01-609/22 od 07.02.2022. godine kojom se Tariku Avdiću, studentu drugog ciklusa studija Odsjeka za elektroenergetiku Univerzitet u Sarajevu - Elektrotehničkog fakulteta odobrava tema završnog rada i imenuje komisija za ocjenu i odbranu završnog rada, mijenja se na način da nova tema završnog rada II ciklusa studija sada glasi: „Primjena novih tehnologija u komponentama elektroenergetskih sistema“ pod mentorstvom prof.dr. Mirze Batalovića. i imenuje se Komisija u sastavu:

1. prof.dr. Senad Smaka,
2. prof.dr. Adnan Mujezinović,
3. prof.dr. Mirza Batalović, mentor i član,
4. prof.dr. Naida Mujić, komentor i član, i
5. doc.dr. Amer Smajkić, član.

II - Odluka stupa na snagu danom donošenja.

5.1.3. Opačin Selmu, studenticu drugog ciklusa studija Odsjeka za automatiku i elektroniku, i Vijeće jednoglasno donosi

ODLUKU

o izmjeni teme završnog rada drugog ciklusa studija i sastava Komisije za ocjenu i odbranu završnog rada drugog ciklusa studija

I – Odluka Vijeća Fakulteta broj: 01-555/22 od 07.02.2022. godine kojom se **Selmi Opačin**, studentici drugog ciklusa studija Odsjeka za automatiku i elektroniku Univerzitet u Sarajevu - Elektrotehničkog fakulteta odobrava tema završnog rada i imenuje komisija za ocjenu i odbranu završnog rada, mijenja se na način da nova tema završnog rada II ciklusa studija sada glasi: “Karakteristike i principi rada upravljačkih kola za tranzistore snage”, odnosno “Characteristics and Operating Principle of Drive Circuits for Power Transistors” i imenuje se Komisija u sastavu:


1. Prof. dr. Abdulah Akšamović, predsjednik
2. Prof. dr. Senad Huseinbegović, mentor i član
3. Prof. dr. Emir Sokić, član

Za mentora se imenuje prof.dr. Senad Huseinbegović.

II - Odluka stupa na snagu danom donošenja.

Ad 6. Treći ciklus studija;

Pod tačkom 6.1. jednoglasno je usvojen Prijedlog Odluke o prihvatanju Izvještaja Komisije za ocjenu i odbranu projekta, radne verzije i doktorske disertacije, o podobnosti teme doktorske disertacije pod naslovom "Upravljanje mrežama za kvantnu distribuciju kriptografskih ključeva", studenta Emira Derviševića, magistar elektrotehnike – diplomirani inženjer elektrotehnike, i Vijeće donosi



ODLUKU
o usvajanju Izvještaja za ocjenu uslova kandidata i
podobnosti teme doktorske disertacije

I - Usvaja se Izvještaj Komisije za ocjenu i odbranu projekta, radne verzije i doktorske disertacije, o podobnosti teme doktorske disertacije pod naslovom "Upravljanje mrežama za kvantnu distribuciju kriptografskih ključeva" i ocjenu uslova kandidata Emira Derviševića, magistar elektrotehnike – diplomirani inženjer elektrotehnike, studenta trećeg ciklusa studija - dokorskog studija Univerziteta u Sarajevu – Elektrotehničkog fakulteta.

II - Utvrđuje se da Emir Dervišević, magistar elektrotehnike – diplomirani inženjer elektrotehnike ispunjava uslove za sticanje naučnog stepena doktora nauka i da je predložena tema pod naslovom: "Upravljanje mrežama za kvantnu distribuciju kriptografskih ključeva", podobna za samostalno naučno istraživanje.

III - Ova odluka i Izvještaj Komisije za ocjenu i odbranu projekta, radne verzije i doktorske disertacije, o podobnosti teme doktorske disertacije dostavlja se Senatu Univerziteta u Sarajevu.

Ad 7. Tekuća pitanja;

Pod tekućim pitanjima dekan je Vijeće informisao o izmjeni članova Vijeća iz reda studenata zbog isteka mandata, te da su novi članovi Vijeća Ahmed Trkić (I ciklus) i Azra Mehić (II ciklus).

Tada je Vijeće jednoglasno donijelo

ODLUKU
O broju članova i sastavu Vijeća Univerzitet u Sarajevu - Elektrotehničkog fakulteta
za studijsku 2023/2024. godinu

I - Usvaja se Odluka o broju članova i sastavu Vijeća Univerzitet u Sarajevu - Elektrotehničkog fakulteta za studijsku 2023/2024. godinu.

II - Sastavni dio ove Odluke predstavlja Lista nastavnika, saradnika, predstavnika viših asistenata, asistenata, nenastavnog osoblja i studenata koji ulaze u sastav Vijeća Univerzitet u Sarajevu Elektrotehničkog fakulteta za studijsku 2023/2024. godinu.

III – Odluka stupa na snagu danom donošenja.

Pod tekućim pitanjima dekan je također Vijeće izvjestio o Bachelor studijskom programu Data science and Artificial Intelligence na Univerzitet u Sarajevu – Elektrotehničkom fakultetu te riječ dao prof.dr. Amili Akagić, koja je ukratko iznijela ciljeve i elaborat novog studijskog programa. Dekan je pozvao sve zainteresirane da se sa komentarima, primjedbama, prijedlozima i sugestijama jave prof.dr. Amili Akagić u narednih 15 dana. Također je pozvao sve članove Vijeća koji žele da se priključe novom programu, da i tu informaciju upute prof.dr. Amili Akagić.

Sjednica je završena u 14:40 sati.

Usvojene Odluke sa stručnim mišljenjem u njihovom dijelu i materijali sa sjednice Vijeća sastavni su dijelovi ovog Zapisnika i nalaze se u njegovom prilogu.

Zapisničar:

Aida [redacted] Ovčina

Dekan

prof. dr. [redacted] Velagić

